

KERATAN AKHBAR

JUDUL : BULETIN TV3

TARIKH : 17 Jun 2025

SITASI :

M/S :

Webmaster, A. (2025, June 17). ASEAN 2025: Perpustakaan perlu jadi ruang terbuka penyebaran ilmu – PM. *Buletin TV3*. <https://www.buletintv3.my/nasional/asean-2025-perpustakaan-perlu-jadi-ruang-terbuka-penyebaran-ilmu-pm/>

NASIONAL

ASEAN 2025: Perpustakaan perlu jadi ruang terbuka penyebaran ilmu – PM

© 17 Jun 2025, 12:22pm

22
Shares



Share



Tweet



Share



Email



KUALA LUMPUR: Perdana Menteri, Datuk Seri Anwar Ibrahim menyeru agar model perpustakaan di negara serantau perlu terus berubah seiring zaman digital kini bagi menarik minat masyarakat ke gedung ilmu itu.

Beliau yang juga Pengerusi ASEAN, berkata walaupun perpustakaan dilihat masih berdaya tahan, ia perlu dijadikan pusat ilmu yang bertenaga dan ceria kepada masyarakat.

“Jadi berita baiknya adalah untuk para pustakawan walaupun di Asia, dengan segala cabaran dan kesukaran yang telah kita lalui dan alami, perpustakaan masih tetap bertahan.

“Begitu juga dengan para pustakawan, tetapi anda semua memikul satu tugas yang besar, bukan sahaja untuk menyebarkan pengalaman itu, dan ilmu yang terkandung dalam buku-buku tetapi juga untuk menjadikan perpustakaan sebagai pusat ilmu ceria dan bertenaga,” jelasnya.

Selain itu ujar beliau pustakawan juga mempunyai peranan penting dalam menarik minat masyarakat terutama pelajar agar menjadikan perpustakaan sebagai pusat ilmu pilihan mereka.

“Saya rasa sejak dulu lagi saya pernah sebut, bahawa para pustakawan ini ada tanggungjawab besar untuk pastikan pelajar suka pergi ke perpustakaan.

“Bukan semata-mata kerana ada penyaman udara. Tapi bila dah sampai sana (perpustakaan), pustakawan mesti mampu ‘memikat’ pelajar-pelajar ini dengan memperkenalkan buku-buku dan menggalakkan mereka membaca,” katanya.

Mengulas lanjut kata Anwar, dalam dunia serba moden ketika ini perpustakaan bukan sahaja menjadi pusat mendapatkan ilmu dari pembacaan semata-mata.

Sebaliknya, boleh menjadi medium aktiviti-aktiviti penyebaran ilmu yang lebih terbuka.

“Inilah yang diperlukan oleh masyarakat terutamanya golongan muda dan para pelajar. Mereka mahu perpustakaan yang membolehkan mereka membaca dalam suasana sunyi, tetapi pada masa yang sama juga mahukan ruang yang terbuka, hidup, dan berhubung berkait rapat dengan budaya dan seni.

“Tempat bukan sahaja untuk buku, tapi juga podcast, filem, pangkalan data, e-buku dan pelbagai bentuk media lain yang mencerminkan cara manusia belajar dan meneroka pada hari ini,”katanya lagi.

Beliau berkata demikian ketika berucap merasmikan Persidangan dan Mesyuarat Agung Kongres Pustakawan Asia Tenggara ke-19 (CONSAL XIX) di Pusat Dagangan Dunia Kuala Lumpur (WTCKL) di sini hari ini.

Turut hadir dalam majlis itu, Menteri Perpaduan Negara, Datuk Aaron Ago Dagang, Timbalan Menteri Perpaduan Negara, K. Saraswathy, dan Ketua Setiausaha Negara, Tan Sri Shamsul Azri Abu Bakar.